

中國方志叢書·華中地方·第八二七號

據

清·柏春修，魯琪光等纂
清同治十年刊本

影印

江 西 省

南豐縣志



成文出版社有限公司印行

中華民國七十八年三月臺一版

南、豐縣志

共八冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

藝文志目錄

南豐縣志四十四

祭文

王安石祭曾博士易占文 謝文治祭門人李其聰文

魏禧告李作謀墓文 陳胤哭劉生文

銘

劉壘壽昌院鍾銘 州獄鐘銘 徐湘潭以敬堂銘

贊

劉壘朱光祿陰德圖贊

頌

李良翰喜清郊壘頌

錄

晉翔龍鄭侯均派召佃絕糧德政錄

賦

劉墀漢高帝廟賦

湯有年蓮花泉賦

饒安鼎瑟石

賦

條約

魏勳發塚盜葬禁條

渭女禁條

私宰耕牛禁條

鄭芬禁傷縣龍告條

張兼山封禁官山告條

譚尙

忠五簋約

祭曾博士易占文

王安石

嗚呼公以罪廢實以不幸卒困以天亦惟其命命與才
違人實知之名之不幸知者爲誰公之閭里宗親黨友
知公之名於實無有嗚呼公初公志如何孰去不諧而
厄孔多地大天穹有時而毀星日脫敗山傾谷圯人居
其間萬物一偏固有窮通世數則然至其壽夭尙何憂
喜要之百年一蜺以死方其生時窘若囚拘其死以歸
混合空虛以生易死死者不祈惟其不見生者之悲公
今有子能隆公後惟彼生者可無甚悼嗟理則然其情
難忘哭泣馳辭往侑奠觴

祭門人李其聰文

謝文淳

嗚呼作謀吾不見汝三月矣三月倏忽耳由此永不見
汝矣然汝形聲常在吾耳目汝性情志氣常在吾心曲
吾意象間常彷彿若汝在何處一念驚覺始知汝死傷
悼哀痛欲覓汝於窮天極地而無路也汝真死矣嗚呼
作謀汝之性情誠厚拙撲無機詐勢利人於汝心汝之
志氣不在科名惟讀書著述是耽惟各師良友講貫德
業是樂又恒喜佳山水書畫歌詩彈琴高逸之所寄興
且妙解而不能喻諸人者而汝皆好而能之然吾所欲
進者西銘之學有其志其識而歉於工力欲授汝而尙
有待汝所欲自進者經世之才每思時有可爲得效一

臂以爲世用今吾尙未全衰或可鼓奮以收桑榆而汝則遂已矣縱有可展之時而汝已不得見矣憶去年夏五予夢與汝在舟中及岸汝墮水而沈予哭赴汝家而醒大驚爲不祥旣自謂心神昏妄耳豈意今秋隨我遊姑山在舟抱病歸不餘日竟不起予始痛前夢之驗然則人生其信有數耶彼昏庸者皆值數之長汝獨以清醒而值數之短耶吾今歲夏月心病嘈痛稍過勞思胸膈間遂如針刺行坐不自安汝時常省問夜必待臥汝或一燈坐讀猶啟戶至榻前問我安否汝亦常告我曰近亦有此疾腹間冷痛時發吾謂汝我雖病元氣不甚衰尙不至死汝如是惟慮汝夭或年不過三四十豈知

汝二十有一而竟死耶今予且狀汝行屬躬菴先生表
汝墓勺庭先生亦許置汝弟子之列爲文誄汝以慰汝
生前之願將訂汝遺稿健齋爲汝序之傳於世予有此
餘年尙將勉強自振以其餘力畢諸經未了之功廣西
銘之學期不至於墮乘以負汝餘年旣盡而後與汝同
遊於寥廓棲遲河嶽陟降名都大邑陰翼聖賢豪傑以
庇斯民豈當與俯仰世俗之流逐荒煙令風飄沒於無
有耶汝其忍而待之此三月之內又有孟吟皆予血淚
所漬今併焚使汝知之往歲除夕汝與祖父母兄弟妻
子具慶歡聚於一堂今茲之夕汝獨瘞荒野而俾一家
尊幼哭泣於汝之靈几嗚呼汝之苦不忍言汝一家之

苦其忍言耶作謀作謀其聞聲歸來依茲几席毋羈栖
飄蕩而莫知所之也嗚呼痛哉

告李作謀墓文

魏禧

南豐李生作謀既卒庚戌二月易堂魏禧哭其墓而告
以文曰嗚呼余不幸而哭生之墓也哀哉生之師程山
先生以弟畜余生相見執禮甚恭余知其中篤而口訥
言弗能宣也既作書數百言自道予報之亦千餘言期
生爲古人甚厚亡酉八月予客南州程山先生以書來
曰李生其聰竊願執贊門下少學問不自信以故逡巡
然亦不能久待願毋忘斯意予得書終夜不寤念作謀
爲人剛正不苟合而與人坦易不修睚眦見義若食辟

利若淹生國變後長自棄舉子業學古文好論古人是
非意所不可雖貴勢與賢不能回此其人吾固樂得以
爲弟子又念吾生平多過失而服喪亡禮性好聲色樂
妄想二者爲甚二十年來爲諸生說古人嘉言善行男
女之際不以非禮動其心及宰我問短喪孟子答然友
諸書則心怵惕面熱身不能正席聲不出國六而以作
謀爲弟子吾何敢旣又念吾生平汲汲少俊士欲得有
才志者相與成就使有所用於天下比年授徒以食貧
自救亦欲稍稍取擇以寄其志作謀聰敏學諸技藝輒
工其論古人伐毛洗髓多刻至之見余嘗以作謀甚似
胡致堂先生也而不欲作謀以此自致文章經世之務

吾皆願與砥礪歸於實用又念禮事師無犯無隱而父
兄有諍子弟使作謀立吾門必能正色直言匡我不逮
吾素有所嚴憚以自束然終不敢遽以作謀爲弟子也
十月余在新城而聞生遽死傷悼不自勝見門人之至
者未及禮則必拊膺頓足曰南豐李作謀死矣聞者皆
驚愕及余至程山見程山先生相與執手而泣明日哭
於生家將就位先生泣下沾地哽咽而言曰少須夫李
生之爲子門人也久矣子不可頓首而拜予遽趨立哭
以緘十二月先生又以書來曰子信宿程山使吾多所
益獨恨李生遽死不得聞李生以子爲師也久矣子又
安得不置之弟子之列昔聶雙江欲師事王文成而未

逮文成喪後雙江執弟子禮由此言之弟子可以拜亡
後之師師亦可以受亡後之弟子余捧書泣下因憶宿
程山日先生命予說左傳蔡聲子遇椒舉班荆相食事
時方罷酒立池上冬日和暢微風動竹日影倒射竹尾
予倚樹指顧道通家弟子數世相厚善卽孝子慈孫在
反覆數千言而日見二人班荆設食相與興起前後輩
聞者二十許人皆欣欣動顏色惻然念先生獨心有所
隱痛而未之言而先生來書果云然也嗚呼安敢不以
生爲弟子哉獨念弟子可以拜亡後師師其嘉言善行
雖死可以私淑其身師受亡後之弟子其於義無所取
雖重以程山先生之命而不敢受也是用告生墓生其

聽之

哭劉生文

陳斌

南豐劉生綬以嘉慶二十三年五月由京師歸省母病
舟行三十日而溺死于河口余冬月入都其叔父斯崑
乃涕淚以告則相與哭之於旅而哀之以文曰溺死不
弔若劉綬者可無弔邪生故從吾遊不相見二十年聞
其文行嶄嶄能不負所期於吾吾能無痛其死邪劉生
少時氣近剛然自能抑損雖未通經書試之以言輒達
書理塾中有瑣悉事命之爲即爲吾故知其可教焉而
必有成也生後以拔貢生應試京師因其叔父爲同考
官循例迴避生之所學亦積久而漸成雖未遇無足爲

生憾也獨奈何其卒死邪夫死於水與死於非水亦等
有其死獨奈何生以孝而死於水邪吾中年浮沉仕途
固知其能覆溺人也其信於命不惕於死者以吾母顧
我復我茆宥我故也然勞苦衰疲之態則豈有不自知
者邪吾於劉生有無窮之哀而不必其盡爲劉生也吾
文傳不傳未可知烏能表劉生志予哀將以寄南豐焚
之宿草之次然亦何益也邪

壽昌院鐘銘

劉 壘

元貞元年夏四月南豐州壽昌院新鑄大鐘縣諸層樓
將以節昏昕警迷瞶也爲之銘曰

惟大覺尊矜哀羣蒙何以牖之爰有洪鐘考擊以時耳

聞心通迺眷壽昌範此新鑄層構鉅鈕法音隨風爲彼
聞者破其昏聾緣聲而覺萬境悉空衆生成佛繫鐘之
功

州獄鐘銘

大德十有一年歲在丁未暮春之月南豐郡鑄洪鐘以
嚴奉州獄士師之神所以昭神功答陰貺也爲之銘曰
赫赫士師萬世神靈作福於豐光大彰明陰驅猾囚民
冤底平何以報之有鐘在庭朝昏考擊聞者皆興丕顯
神功永揚厥聲

以敬堂銘

徐湘潭

予與南豐李牧臣孝廉交善旣而遊延於家塾授經其

子間接見其三昆及諸子姓大都恂恂然竊歎其家風之美焉予聞尊考五典府君生平爲人一主於謹樸始知爲德類不虛耳府君嘗扁其堂曰以敬及是孝廉兄弟爲府君之祠堂成仍移以顏之而徵予爲銘銘曰敬爲德聚亦曰福基斯須怠肆愆釁乘之矜矜府君朝乾夕惕大圭不琢白賁无色以敬終已卽以飭後謹服先訓循牆而走矧茲新廟冥靈所依在上在旁敢弛恭寅府君之德孫子之孝紹休承釐遠而益耀

朱光祿陰德圖贊

劉 壩

記兒時行郭西門外有木合抱蔽翳江濱片版書朱光祿陰德樹六字數見之未省也長而聞諸老先生道光

祿公捐金救人事粗知其槩又長而閱圖志觀陰德記始得其詳不知何年岸崩木拔每經行輒追思嗟惜不置非惜是樹惜樹之所以名而名不傳也天昌善慶乃令閭孫秀出紹緒貌而圖之展看眼明如見當日何其慰人意耶余欲因是圖以垂世戒揭以贊曰

賦命自天天德好生體天活人福報川增爲善在我我豈希報形動影隨自然天造謂吾誑汝視光祿公公活人命心與天通公心伊何爲善弗貳忍貧傾貲救死於縊彼富或靳吾貧安行陰功誰知太虛神明森其階蘭執圭鳴玉種勤穫豐稟報何速綵侍宦游真行地僊上壽之褒大哉王言施及雲來錚錚楚楚貌入丹青宛其